

DEO OPTIMO MAX. UNI ET TRINO,

83.

VIRGINI DEIPARÆ, ET S. LUCÆ,
Orthodoxorum Medicorum Patrono.

QUÆSTIO MEDICO-CHIRURGICA,

QUOD LIBETARIIS DISPUTATIONIBUS
manè discutienda in Scholis Medicorum, die Martis vigesimo-septimo
Februarii, anno Domini M. DCC. XLII.

M. LUDOVICO PETRO LE HOC, Consiliario Medico Regis
ordinario in ejus Castelleto, nec non utriusque Pharmacia Profef-
sore designato, Doctore Medico, Præside.

An oculi punctio Cataractam præcaveat?

I.

ERGONE quæ oculum tam egregiè callet, Medicina cæcutiret? Adeò pa-
rùm oculata videretur in oculorum morbis? In his enim curtam esse remedio-
rum ope Medicinam, passim & palam conquereutes audias. Afferunt in exem-
plum *Cataractam*, in quâ percurandâ tam sæpe cespitat Ars curandi. Dubitas? Non-
ne prima *Cataractæ* exorientis initia, certa habentur futuræ cæcitatibus auguria. Par-
cius ista tamen Medicinæ obijcienda; quod enim illi crimen imputant, illorum
prorsus vitio detur, qui circa *Cataractæ* operationem, ut ut eruditè occupati, in
Medendi legibus hospites sunt & peregrini. Sic fermè sunt, qui plus æquo acûs suæ
auxilio confisi, temporibus, & locis infligendæ, (quanquam ad geometriæ regulas)
Cataractæ sagaciter deprimendæ unicè student. Ejusmodi hominum scientia, digito-
rum Arithmetica est dexteritas. Quippe ii sunt distantiarum lineas, puncta in solidis,
guttas in fluidis numerare Docti. Ast ut hæc non omittenda, ubi se dat operandi neces-
sitas, sic providenda imprimis quæ & meliora, & plura offert, certior Medendi metho-
dus. Hæc autem in morbis arcenda docet, quæ præsiagiuntur pericula; usque invigilans
occasione, (quæ Medicationis est anima) ne ipsi desit. Hic autem, occasio prophylaxis
est, declinando nempe operationem, heu fluxam nimium & dolosam! Et quidem in oc-
casione aucupandâ toti fuerunt Medicinæ proceres antiqui; at non sic ophthalmici Me-
dentes plurimi: in quo *operatores* ocularios discernas, ab ophthalmicis Medicis. Hi ad
artis Medendi canones sua moderantur, & regunt opera; illi ad manûs, & digitorum
dexteritatem. Quorum autem, ut densior numerus; ita vulgatius est *Cataractæ* curationis
erratum. Id ergo in Medicinam refundere tam iniquum, quam falsum est. Malè sana
nempe, quia docta malè istæ oculariorum gens, & morborum prophylaxeos prorsus
ignara. Hinc accersitus ad ægrum istic ocularius, manum consulit magis, quam animum:
quid mirum; Ad opus vocari unicè se putat, prævio tantùm facto examine, maturitè
ne *Cataractæ*, forsân additâ tempestatis, & ætatis ægri aliquantulâ mentione. Insuper ali-
quid desideras; De anatomicâ *Cataractæ* sede balbutientem, ut poterit, audies cùm hanc
in crystallino humore sitam nuper definitum esse audierit: cui si garrire ulterius libuerit,
de acido lymphas coagulante non nihil effutiet; nam vel tonorum istæ vulgaris can-
tilena est; dùm distinguere pelliceam à crystallinâ *Cataractam*, glaucosim à glaucomate,

A

melius consultus deberet: imò si hominis sani cogitationem admitteret, animo posset observari prophylaxis omiſſa, vel revocanda. Sed ejuſmodi rerum, quæ mentis aciem facile fugiunt, planè ſecurus; de incertitudine operationis, ne verbum quidem habebit. Inde *generalis remediis* (ut loqui norunt) tantummodo præmitti juſſis, operationis alea jacitur, ſit ergo periculum, ægri ne, vel *operatoris*? Dices, utriuſque.

I. I.

INTERIM grave illud, nec infrequens periculum; cùm ex eorum genere morborum ſit *Cataracta*, qui ab humoris *Decubitu* ſunt; ſed in ejus morbi curatione, quantam ſibi vindicet partem Medendi methodus, aut ſcientia? Aperit recondita abſceſſuum doctrina; cujus autor, & Medicinæ, & Chirurgiæ notiſſimè percelebris oſtendit quantum Medicinæ conſiliis, & mente Medici Chirurgorum manus indigeat. Cæterum ut ad ſalutem, vel ad exitium, ſit quilibet *decubitus*, Medentis peritiæ eſt, & officii, alterum ab altero diſcernere, quo procurando bonum, malum poſſit avertere. Hoc autem opus, hic labor in medendo; ſoli quippe artiſci noviſſe datum eſt, quid faciendum, quidve omit-tendum, in quo tota ejus, qui criticos morus, vel effectus intelligit, & expectat, ſapientia verſatur. Unde juxta criſum leges, permittendum eſt, & adjuvandum quidquid ad ægri ſalutem pertinet, avertendo illud omne, quod ut morbi lucro ſit, ſic agrotantis damno vertitur. Atqui quod ab operatione *Cataractæ* imminet malum, ſolus œconomix animalis legum ignarus negaverit. Ex tot enim quibus hæret retinaculis *Cataracta*, concipitur, quanto diſcrimine à fede ſua avellatur: addideris vaſorum myriades quibus alluitur oculus, tum omnes quibus compingitur nervorum fibrillas; ut violentam eſſe, ſic cruentam poſſe fieri iſtanc avulſionem, intelliges. Quidquod ſuas ducant origines illa capillarium vaſculorum millia à majoribus vaſorum caudicibus: ærtiora ne putabis cum univerſo corpore commercia? Immane igitur, quàm grave eſt, quod ab operatione *Cataractæ* imminet periculum! Felices tamen quos ſola hæc diſcrimina manebunt, nec pauciora enim, nec minora quæ impendent. Quibus incommodis ut ſubveniretur, ſi fieri poſſet, tanti momenti iſtis viſæ ſunt oculi partium diſtantiæ, ut ad normam, & perpendicularum æſtimari meruerint; ita ut proditum fuerit, ſerventem calamum definitum, de cryſtallini loco, ſitu, diſtantiâ, tum de loci puncto, ubi acus debeat applicari. Benè equidem; ſi corpus cryſtallinum laxum ut eſt, mobile & pendulum, cum fixo ſuper menſâ, linearum, & angulorum communem concordaret. Inò moveri poſſe cryſtallinum ad pupillam accedendo, declarant peritiſſimi in rebus Anatomicis viri, quorum ut culter, ſic lingua mentiri cavet: interim ut non capiunt ſimiles operationis elegantias oculariorum pluſimi, quot indè operantibus opprobria? quot agrotantibus mala portenduntur?

D. D. San-
torini obſ.
Anatom. c.
IV, p. 83;
Mery in ac-
ciò. Acad.

III.

MAJORNE alicubi Prophylaxi locus? Quæ ſolemnis & uſitata erat, quandiù oculariæ Medicinæ clavum tenuit ars Medendi. Sed hujus experts, & inrudita *Operatorum* Ophthalmicorum gens, ſtupore vulgi facta eſt Medicatrix; totumque curationis *Cataractæ* negotium ad operandi ſagacitatem unicè devolutum. Hinc hodiè *Cataractam* deponere, ſanare eſt, obſoletà penitus veterum Prophylaxi; continebatur hæc aptà diætâ, & multigenis venæ ſectionibus, benè conſciis Medendi magiſtris, non ſolius oculi morbum eſſe *Cataractam*, ſed inſimul ali totius molis ſanguinæ vitio. Hoc dyſcratiſm dices? Nihil moramur, Caiharſim enim, veſicatoria, ſetones, cautæria, herbaſque morbo proprias, uſuque compertas commendarunt. In excogitandâ medelâ, arteriotomiam addidèrè feliciores, quibus auxilliis annuit quoque poſterior ætas, ſanguinis circuitu diſior facta, & doctior. Comperto enim ſemel ſanguinis orbiculari motu, ejuſque per oculum intrâ horam multiplici itū & reditu, ſatis intelligitur, quàm neceſſariò, quàm liberè, quàm tutò mitti ſanguis poſſit. Cæco-ne conſilio? Inò ſapienti, ne ſcilicet in horas, cundo vires morbus acquirat. Hæc fuèrè ſanguinis avertendi rationes, aut ad longinqua eum removendi viæ, quibus etiam hodiè omnes inſiſtunt. Diverticulum aliud aperit & Anatomia recens, quod enim detecti fuerint propitii humoris aquei ductus, vel pervii canales quibus humor ille ad oculum it, reditque, hujus

Vide Ho-
vium paſ-
ſim.

opus est, nec gloria non mediocris. At indè spes affulsit, prodiitque ratio non obscura exordientis *Cataracta* demolitionem moliendi. Ars sanè præclara, morbum in ovo præfocandi. Cùm enim ab humoris aquei stagnantis sorditie enascatur *Cataracta*; sorditiei præbit humoris aquei putrescentis facta evacuatio; Paracentesis genus est antiquis compertum, nec insolitum; quo ex oculi camerâ, non secus ac ex abdomine *ascitico* serum educitur. Tutiozem cogitabis prævertendâ *Cataracta* modum: Cùm enim partis albæ sanguinis proprius sit morbus *Cataracta*, ut potè ad serum pertinens, vel lympham; per venæ sectiones præmissâ partis rubræ curatione, ad rem propiùs attinet nihil, quàm ad partem albam, alteram converti curam. Hoc præstabit oculi paracentesis, hinc ferosi *decubitus* molem minuendo præsentem, illinc futuram novi *decubitus* alimoniam suffurando.

I V.

TUTIOREM ergo non habes *Cataracta* declinandæ modum. Et verò periculosum-ne erit magis, ægrotantibus visum restitui ejusmodi oculi punctiōne, quàm eadem senibus, (quod confirmatus) reddidisse visum? Quàm tot avibus, à punctiōne non absimili, sic illâsam fuisse visionem, ut brevi repullulascēte aqueo humore, reintegrata illa planè redierit; imò duplici titulo, felicem successum spondet Paracentesis, scilicet utriusque *Cataracta* radices præscindens: nam aut in crystallino, aut in aqueo humore fixerit sedem hic morbus, utrique fiet satis; cùm lymphâ quæ alterutrius parens, & alitrix est, planè exhauriatur. Apagæ, succellamant, istæ *Cataractarum* discrimina; pellicæas exulare dudum jussimus; solasque dari crystallinas à nobis sancimus, & pronuntiatur est. Verùm quo ex tripode; parvo certè: saltè non erit effectum summi illius in arte Dictatoris, quem in Medicinâ nec falli, nec fallere posse creditum est, illius, inquam, qui ut *negligenter nullibi se gessit, temerè nusquam locutus est*. *Cataractam* pelliceam à veteribus Anatomicis fuisse prehensam, hanc quoque à recentibus in dies prehendi nobis satis est: cui factò refragari ut mentis præpoteræ, sic & laudi & gloriæ minùs consulenti est. Itaque adhibitis omnibus ad Prophylaxim præsidii, si illis minùs benè vententibus, perseverent crescentis *Cataractæ* signa, Paracentesi locum dari, quid erit incommodi? Quin imò educit sic aquei humoris putri eluvie, *Cataracta* jamjam concrendendæ Embryones, subtrahas. Unde aqueus humor in amurcam coire facili, aut pellicæa illius atomi coadunari, & in membranulam exporrigi aptæ, penitus ejiciuntur. Aliunde-ne meliùs præcavebitur pellicæa *Cataracta*? Excogitabitur sordidatam crystallini superficiem detergendi tutior via? aut mucidam, quâ insificatur, lympham exhauriendi certior ratio, ut meliori deinceps succo refarciri possit. Quod perficit Paracentesis, *Cataractæ* crystallinæ exordia delendo. Sua quippe est aqueo humoris perennis circulatio, ita ut vacuato crassiori, alter purior succedat; sic vitiatam humoris aquei cameram eluendo, tergit, hæcque, accedente humoris novi limpidine, nitet. Ampliùs roscidæ qualitatis non exors, qui succedit humor; hac qualitate mulcet crystallinum, & stagnantis lymphæ mucorem liquando pepitùs resolvit. Promptiùs-ne, vel tutius, nitorem suum aliunde recuperabit crystallinus humor? pristinamque meliùs suam resumet limpidinem? Quâ methodo ritè peragatur oculi Paracentesis, paucis accipe. Caput ægri à tergo ministri manibus excipiat, fixumque stet & immobile. Accedat Ophthalmicus facie versâ ad faciem. Acum habuerit præ manibus lanceolatam, cujus acies fecandi subtilissima, latior, contractior-vè sit, pro diversâ Corneæ jamjam perforandæ diametro. Insinuetur acus in ipsam Corneæ dilucidæ substantiam, obliquè ducta ab imo ad summum, linæ unius transversæ spatio, aut circiter à conjunctivâ distans. Partem Corneæ ejusdem duntaxat infimam pupugeri, iridi ac pupillæ parcas diligenter. Quod quidem feliciter successisse quamplurimis, notum est. Eadem ratione, nobilis quidam Miles in Regiâ Invalidorum domo, *Cataractâ* fuit liberatus. Nec Anglis incognita oculi Paracentesis, quam ita laudabiliter à muliere Anglâ tentatam refert Mangerus, ut ne minima quidem Corneæ cicatrix remanserit. Educto aqueo humore splenium molle albumine ovi aquâ rosacâ diluto, madidum, perforato oculo admoveatur. Quietem & Dietam præscribat Medicus.

Vide Hæ-
vium pas-
sm.

Plin. lib.
25. cap. 13.

pag. 425;
Edit. 1685.

Cal. Au-
relian. mor-
Chronicor.

lib. 1, c. 5.
pag. 335.

Edit. 1709.

1709.

Vid. Mang.
bibliothecæ
Chirurgicæ.

lib. 3. tom.
1. pag. 506.

Hippoc.

Vid. Bi-
blioth. Chi-
rurg. tom.

1. pag. 503.

PRÆCAVENDÆ igitur *Cataractæ*, idonea maximè oculi Paracentesis. Hujus necessitatem apertè suadent alterius operationis incertitudo & periculum. Indecorum profectò, stupendumque; tantum strepitus hodiè per orbem Medicum moveri, & audiri de morbo, & operatione; cum illius natura anceps adhuc, & dubia sit; hujus verò successus in ambiguo. Quantumlibet enim nomen consequi studuerint *Cataractarum crystallinarum* acerrimi fautores, quantumvis vulgi auribus obstreperint, non idèò oculus pelliceis minus tentabitur. Quid si veterum pellicæ cum crystallinis, quæ glaucomaticæ, cum glaucoma confundantur? Vel glaucosis accipiat pro glaucoma; Hanc dubitandi anam suggerit facta nuper observatio, quæ innuit, modò totum vitari crystallinum corpus, in *Cataractæ* affectionibus; modò solam illius, & summam su. perficiem. Undè terni vel quaterni morbi, operatori distinguendi veniunt; internoscendum quippe illi est, sit-ne pellicæ veterum *Cataractæ*, vel crystallina neotericorum? glaucosis, vel glaucoma, ut ad cuiusque naturam, & conditionem, acûs aciem dirigat & moderetur. De glaucosis enim non est cur dubites; unde se dat auspicio glaucosum non infrequenter, pro glaucoma venire, ita ut non totum semper crystallinum corpus operator deturbaverit; sed aliquantam solùm, eamque summam, aut superficiariam partem, quam acûs, non secûs ac scalpri acies, vel radulæ actio separat, & præcipitat. *Desquamationis* species erit, aut ut in ossium morbis se habet, genus *exfoliationis*, quæ crystallini aridæ, vel putres lamellæ deprimentur. Hanc adjuvat conjecturam observata per luciditas superites, ut visa fuit in lentis, ut ut exigua, reliquis. Hinc minimè mirum, quòd resectâ tantum crystallini portione, visio hebes licet, ab operatione superat. Saltem non incerta hæc observatio receptam de totis crystallinis operatione deturbatis, ac familiarem nimis opinionem incertat. Quam tamen sibi plaudè tuerunt; ecce enim nobilibus extetorum auspiciis & nominibus fultam publicè venditant; sed id nostri, sicut & illorum juris est. At quàm levi rationum pondere? Dicas tam facilibus argumentis suam opinioni voluisse fidem derogari. Igitur non-nisi cautè, & sapienter admittantur crystallinæ *Cataractæ*. Quod enim dentur, dubitat nemo; quod solæ, negant omnes. Egregios scilicet, subridendo inquit, humoris aquei fœtus; an membranulas ex illius sinu formari, & compingi posse, quisquam sapiens existimabit. Sed harum exemplar adumbrant Chymistæ, dum succos ad pelliculam vaporant. Quin & docet melioris notæ Anatomicus, quâ arte, quo Mechanismo efformentur. Formatas alter ostendit in eadem scientiâ veratissimus. Ambiguus ergo *Cataractarum crystallinarum* status, anceps operatio, origo incerta; Ergo præsidium quod nascenti malo occurrit, cæteris anteponatur.

Vide Santorini obf. Anatom. c. 4. p. 81.

Ibid. pag. 81.

Vide Thessim. Henri-ci Hale Magdeburgica 1729.

Morgagni adverb. VI. Santorini obf. 81.

Ergò oculi punctio *Cataractam* præcaver.

DOMINI DOCTORES DISPUTATURI.

M. Benjamin Ludovicus Lucas
de Laurembert,
M. Leander Peaget.

M. Franciscus Mery.

M. Joannes Herment, Medicus
Regis ordinarius.

M. Joannes-Baptista Dubois,
Professor Regius.

M. Raymondius Jacob Finor.

M. Bernardus de Jussieu, Regiæ
Scientiarum Academiæ, Regiæque
Societatis Londinensis
Socius, & in Horto Regio
Botanico Prodemonsrator.

M. Guillelmus-Josephus de Pè-
pine.

M. Ludovicus Lemery, Medi-
cus Regis ordinarius Regiæ-
que Scientiarum Academiæ
Socius & in Horto Regio
Chimiæ Professor.

Proponebat Parisiis ABRAHAMUS-FRANCISCUS-LEO COL DE VILARS,
Inculsmensis, Baccalaureus Medicus, A. R. S. H. 1742.
à sextâ ad Meridiem.

Typis QUILLAU, Universitatis & Facultatis Medicinæ Typographi, 1742.